

備廬聯語戊集

癸酉

陳玉文結婚

陳祿廷之第五孫男

苕菜縈心榴花照眼

天桃宜室穠李纒華

輓伊爾根覺羅母布勒賀啓太夫人

代孫秀三

慈算踰古稀有子有孫佛誦金經神歸極樂

徽音播三黨無非無議輝揚彤管世仰芳型

又代慶清

事殊伯約情比楚才遙望故鄉真成異國

泣抱泉魚祥瞻阿母莊嚴寶刹整肅靈筵

又代李榮鑑

高算近八旬維慈徽彤管流芳淑慎端莊夙著大家風範
循聲著三省憶哲嗣板輿奉母纏綿悱惻何殊潘岳當年

羅善亭元配王夫人輓言

儉能惜福順以事親慈算踰古稀海屋籌添有其德乃有斯壽
課子丸熊相夫挽鹿懿型侔列女璇宮譽重問舉世疇嗣厥徽

輓穆允之 元植

清超之品縝密之思矯矯不羣迥殊凡品

周甲猶艱達官猶待忽忽以歿未遂生平

輓賈秉清母夏太安人

高算近期頤維壽母駕返驂鸞詩誦睢鳩爭欽壺範
賢聲播遐邇有哲嗣門興駟馬訟清雀鼠是好法官

馬踪陽嫁女

曷不肅雍詩吟穠李

宜其家室時恰夭桃

賀新昏聯

五月光陰好吟榴艾

二南篇什兩見桃華

輓王育民元配郝夫人

誕生賢子母德可知佳話媿燕山丹桂五枝爭煥采
克享遐齡德音孰嗣佛天開覺路青蓮萬朵護歸旛

薛子遠爲孫春祺授室賀聯

花候雲霞榴英豔冶

河洲鐘鼓荇菜參差

贈程銘閣別府

海濶天空休苦惱

心安理得即神仙

祝闕子珍五十

伯玉精修知非寡過

義山引瑟感物興懷

韓致中爲子授室

允矣君子辰彼碩女

三星在戶五月鳴蜩

輓鐵嶺石蘊如元配劉夫人

以詩書世誼締昏媾良緣內治著勤勞惜鸞馭逍遙計算未臻上壽
盼驥子歸來俟牛眠卜吉靈筵動哀感待麟兒誕育含飴應念慈懷

美術學校展覽會

盍往觀乎洵胥且樂
允矣君子展也大成

贈李鶴翔

保民而王思賢聖

代天行道真英雄

安東女學校十周紀念

無怠無荒不知所屆

如圭如璧追琢其章

永海泉澡塘

永沐恩波涵濡王道

海來佳客盪滌俗塵

永世常年財運茂

海清河晏舊汗除

永洗塵氛到茲澡體

海來活水自有源頭

永接清流頓祛舊染

海歸大老世際隆時

永師千文筆歌墨舞

海瑞一世玉潔冰清

永叔文章俯仰揖讓

海濱遺老次第歸來

輓關子貞親家元配韓夫人

門祚歷盛衰恩承萱蔭業望藁砧到老來幾失所之就養壻家幸母女相依爲命
性情含淑慎樛木逮仁螽斯衍慶想此後當歸極樂厝靈佛地聞喪祭尙克如儀

輓支頤山

老境感荒涼衣食行住煞費經營矧際茲六秩衰齡時事艱虞遭逢困阨
噩音遞俄頃露電影泡終歸浩落祇賸得一般輿論性天純淨心地慈祥

輓劉星五

持躬端在自彊維我公韋絃銘佩刻勵兢兢搗戈能振已衰業
遺澤莫如教子有哲嗣坡穎聯芳聲名藉藉式穀克承撫育懷

輓同里徐鏡亭

永清

高算踰古稀持躬謹慎接物和平憶共事警團當日每資臂助
晚年膺厚福子能克家孫都自立誦在鄉模範作人猶重口碑

李煥臣母崔孺人以褒揚致賀

邦舊命新榮褒節孝

母賢子順祥藹庭闈

王子衡為第三子授室

三星在天六月徂暑

百室盈止兩服上襄

輓李沛霖母佟孺人

慈算踰八旬淑慎溫柔共欽壺範

徽音播三黨康強福壽克享遐齡

避地暫移家方期視膳問安常承色笑

升天歸極樂詎意拋塵返駕空想音容

巾幗樹芳型事上能敬行己以恭婦道完全洵不愧神閒氣靜

滄桑經世變由盛而衰有德必壽坤儀淑慎真可稱存順歿寧

王荊山母李太夫人輓言

高算近期頤維賢母秉性祥和教子相夫仙草慈萱垂美蔭

賢聲播遐邇有哲嗣力行公益育才興學德門桃李徧春陰

輓孫蘭甫 荃芳

想像重居恆憶性情蘊藉心氣和平論作善降祥故大德必得其壽
違顏已數載悵晚景迺遭諸事拂逆詎周甲尚斬至末路尤覺悽然

旌表節孝楊嫂劉夫人卒於濱江暫厝極樂寺

歷孀幃四十餘年子能續緒孫亦服官節孝荷旌揚方慶遐齡娛晚景
到濱江兩三閱月算踰七旬疾深一旦鄉關猶在望遽依極樂駐靈驂

陳古陶續絃

琴瑟在御與子偕老

室人入又其新孔嘉

金靜菴爲次子長衡授室

晏爾新昏莎鷄振羽

辰彼傾女鳳凰于飛

輓王岷源德配曹夫人

事親以孝治內以柔婦德本中庸王夫人林下風清遠追道韞
育子之勤逮下之厚徽音留矩矱曹大家閨門望重再見班姬

輓全權大使武藤信義元帥

以身作則吐詞爲經真有嶽峙淵渟之象
氣壯山河神騎箕尾胡爲泰頽梁壞而終
清簡精當言有物而行有恆允資模範
慨嘆欷歔思其人并偉其度不盡低徊

輓趙柄南

文魁

里閭模範言行交稱王道本於鄉念君保障相依團警籌防勤致力
人事滄桑音塵倏隔姻情根夙契悵我連灣歸後几筵憑弔若爲情

丁幹元母于太夫人輓言

高算整八旬維母福壽全歸淑慎慈祥故大德必臻大耋
勳猷重全國有子交通宣績精勤敏練具長識尤擅長才

輓于濟澤父巨川

振源

計甲尙未及周內行敦篤鄉望允孚每共欽講讓型仁與人爲善
荷薪咸稱有子經濟宏通文詞爾雅猶可念勤修上進直底於成

輓彩琴堂愛蓮校書

余赴連灣妓曾侑酒人頗安詳隱有秀氣已露病容再到連灣聞蘭摧玉碎矣

愛河風緊淘淘浪

蓮渚香殘悵落花

輓蘭季華歿於北平

歷三世而式微風流文采猶見故家回頭樽酒留賓雅誼纏綿傾座右
滿六旬其尙斬雲幻滄桑陡逢事變極目京津避地靈輿蕭索望鄉遙

傷廬聯詩
輓何茂如總長

豐林

繼妣林太夫人

花甲晉四齡徽音淑問美不勝書矧講學教人曾樹滿門桃李
芳型昭一代儉德慈懷行之若素更認師持戒瞻依南海普陀

陳悅庭爲子芝華授室

鸚鵡鴛鴦耦聯佳善

瑟琴鐘鼓樂奏吉祥

輓劉鏡如

師古茂才

性情蘊藉氣象沉潛君誠靜者之流躁釋矜平風範親承資矩矱
頤養有方衛生講術我每起居是訊歿寧存順音塵倏隔悵人琴

輓朱藹亭

佩蘭

君真自好者流佩性情耿直氣節清嚴回思共事龍沙日月迢遙驚燕影
我亦數年未晤悵晚景蕭條貧居落寞太息徒留鴻爪煙雲縹渺換鷺書

滿洲中元節軍政部舉行慰靈祭集蒞經爲聯

赫赫厥聲濯濯厥靈如霆如雷有嚴有翼
矯矯虎臣濟濟多士以享以祀無怠無荒

又代參議府

有勇知方執干戈以衛社稷
報功崇德宜俎豆而奉馨香

又代

忠信甲冑禮義干櫓有勇知方撼災禦侮
氣作山河身騎箕尾捐軀殉國崇德報功
建設新國家賴茲志士仁人舍生取義
報酬隆祭享共懷英魂浩氣視死如歸
一死重於泰山爲國盡忠方了男兒志願

中央營茲大祭酬功致禮羣欽靈爽昭回

山河箕尾毅魄靈明義膽忠肝不朽千秋烈士

俎豆馨香盛筵供養雲車風馬迎來四省英魂

享祀可通神況忠肝義膽爲國捐軀其靈爽昭昭若揭

精神誠不朽論報德崇功致祭爲允在天壤卓卓可傳

執干戈以衛社稷其志勁其氣剛光燭星辰明垂日月

進俎豆而薦馨香於心安於理順靈昭泉壤典重几筵

正氣作山河有聲有色可泣可歌爲國捐軀成烈舉

盛筵羅几席惟精惟一以享以祀竭誠致祭迓英魂

死有重於泰岱輕如鴻毛惟茲馬革裹屍不愧成仁取義

世仰氣作山河身騎箕尾看此牲牢致奠真稱存順歿寧

張敘帥買宅新京集經爲聯以賀之

乃覲於京有馮有翼

其究安宅載寢載興

輓齊朗軒母馮太夫人

具幽閒貞靜之風青燈陪讀黃卷傳家侍御著家聲爭仰伊通坤範
為戚里宗族所頌慈笈濟人長齋禮佛古稀歸極樂長留塵世徽音

輓柯鳳孫先生 幼恣

宇宙垂大名元史補訂詩集流傳與古為徒當代有誰堪比迹

泰安數壽考

卒年八十四
與趙次老同

史館追隨宏編卒就沈幾觀變先生與我印同心

白子憲繼配關夫人輓言

往時絃續忝任證昏正期偕老百年靜好瑟琴鷄鳴戒旦

數載絲牽緣何吟斷太息永訣一霎悲留鏡挂鸞逝傷懷

劉峻岡尊人子文翁輓言

傳鳳聯詩
歷轡軻述邇之境卒能斬棘披榛桑梓樹芳型壽考康寧臻上算
爲鄉里族黨所稱不愧光前裕後桂蘭綿世澤門庭昌熾播家聲

張惠霖母夫人輓言

維母壺幃樹德里黨稱賢規範著北堂歐仇比麻相夫課子

有子績奏鹽離心殫實業聲名播東國箕裘克紹裕後光前

蘇蒼岑六秩

周甲光陰特錫純嘏

重陽前日仰止高山

輓李文憲

心涵公理德葆良知鄉黨稱善人桑柘影斜里正賢勞著邨社
與我同庚惜君先逝音塵脫濁世椿庭健在泉臺悽惻戀高堂

安境清原配李孺人輓言

幽靜幼從師屢過蕭齋幼從及門姚佐唐受業工於書法曾瞻舞鶴高翔握管簪花工妙翰

憂傷忽致疾竟辭塵世猶憾夢熊寂寞徵蘭兆瑞負初衷

福慶裕支號開幕

適以福之財源茂

大有慶也貿易昌

熙格民總長五秩祝聯

一派天潢探源有自

百年勳業如日方中

吳麗生外孫于歸

無非無儀柔嘉維則

有嚴有翼淑慎其身

忠義堂飯館聯

忠能敬事庖廚潔

義不欺人童叟歡

魏濂溪以次室曹主中饋爲集經以賀

天立厥配自今伊始

降爾遐福維德之行

趙蘭如與吳女士嘉禮

豈弟君子窈窕淑女

介爾景福宜其室家

三好機古稀祝聯

迄用康年古訓是式

降爾遐福壽考維祺

輓李子芳

毓馨

時事本靡常回思祠部服官曾是生平佳運數
鹽鹺剛卸責那料音塵辭世不堪晚景墮荒涼

賀人移新居

卜云其吉有巖有翼
如矢斯棘乃寢乃興

輓明煥忱

倏聞噩耗即赴佳城撒手謝塵寰承業興基嘆壯志未完忽然稅駕
代理瑣端諸煩盡慮關心處遼事經旬累月憶高懷如昨難恕前情

輓溫福亭

抱一團和氣解紛排難遇事維持社會賢勞斯人僅見
屆六秩光陰待後守先頗稱成就塵寰辭謝其蹟可傳

徐荊山元配何夫人安葬

卜地覓牛眠人事匆匆不覺歲華荏苒

今朝駕鸞馭佳城鬱鬱是真安土敦仁

高貴恆授室

芳菊光陰爾昌爾熾

天桃蕢實宜室宜家

魏濂溪原配田夫人在新京般若寺設幃候弔未定感得詩

淑範冠閨門相夫課子幽靜可傳胡絃柱華年悲吟錦瑟

梵宮開祭幙候弔啐經莊嚴如在盼姬妾後進好事藁砧

往日北平城節近中秋悵蟾輝頓掩

涼颯般若寺德追懿範看鶴弔遙開

松壽荷隆褻燦爛天章榮遇逾於華袞

梓鄉歸旅櫬淒涼佛殿祭筵合奉香花

徐慷叔授室

晏爾新昏天作之合

辰彼碩女徐方既來

輓樂亭段會九

有末疾好學研詩禮精堪輿卜筮卒年五十四

以人事彌造物所偏雖痼疾在身猶能日坐匡牀精研詩禮

惟潛修探理數之蘊惜真傳莫接太息廣陵頓歇寄慨人琴

有疾而以勤學稱日就月將是何等魄力

積功必獲再世報種因得果當不忘本來

膺末疾失自由黽勉矢純修以人力挽回造化

精堪輿善卜筮流傳成絕學問繼承更屬伊誰

是樂亭古之人歟宿恙困頓博學精專自得果逢源坐忘心齋窺造化

問晚近誰與伍者周甲雖艱徵蘭有後獨修能悟道再來塵世厚生成

輓李芳辰 文華

少壯共遨遊况暮雲春樹接近邨閭衡宇相望芳草青堆天咫尺
古稀剛恰到憶宦迹家聲優游身世音塵頓隔蕭楊白打墓淒清

輓吳曜東 恆泰

東北播賢聲望紅土厓高鄉國巍然名德自堪坊表
期頤斬高算悵青雲路阻後人繼起將來好紹箕裘

關曼青 龍雲 授室

十月之交昏姻之故

降福孔皆其新孔嘉

輓安樂仁 富海

名高鄉里壽近期頤故宅在襄平曾看碧草連天望宇匪遙相接壤
孝行可風商界共仰賢郎荷褒獎最悵黃花滿地重陽佳節罷登高

輓程一橫尊人國恩翁

卓然自立個儻不羣抱堅貞磊落純修能化及家庭信孚里黨
孝道事親義方教子臻福壽康彊晚景屆算周花甲駕返蓬瀛

輓周化西尊人景雲翁

剛亦不吐柔亦不茹中正協權衡排難解紛魯仲連素標人望
子能克家孫能克順門庭日昌熾光前裕後王伯厚語著蒙經

李和平與張女士結昏和平爲李道衡之子女士爲張海若太史之女夫婦兩
人均啞可謂無獨有偶予初不知以道衡酬客始悉爲補擬一聯以賀之

靜對瑟琴與偕老

華如桃李本無言

輓高奉五

清和

東北賴維持敦槃縞紵酒醴笙簧是國際人才秀標錦水

平津貽阻隔春樹暮雲河山家國竟倏忽逝世夢熟黃梁

輓劉蔭階世兄

寶樹

尊我以父執禮視爾如子姪行有志紹家聲循循自勉
抱膏盲痼疾憂懷平津羈旅感倏時聞噩耗悵悵生悲

祝戴葵甫七十壽

今世楷模古稀歲月
學養深邃氣象中和

輓裴季升

鳳藻

爲地方公益煞費苦心望重鄉邦義聲載道
距古稀光陰尙隔數稔頓歸極樂遺範長留

胡春悌授室

春日載陽辰彼碩女

愷悌君子晏爾新昏

馬子元母那太夫人輓言

羨母有佳兒慷慨好義施濟爲懷卓犖賢聲播鄉國
享年臻上算福壽全歸逍遙仙逝慈祥淑範式閨門

輓文定華女士母瓜爾佳太夫人

以堅貞性任監護人賢相舊家風賴以維持於不墜
詠柏舟詩荷松筠額高齡敷惠澤完茲功德乃游仙

同里侯世勳授室

邁爾新昏侯氏燕喜

與子偕老世德作求

輓孟曙邨

恩遠

抱權奇磊落雄才係亞聖後以武功稱勇號惠威名實相副

當蠲螿羹沸之際識進退機免衝突患晚年暇逸福壽全歸

趙國藩母王太夫人七十晉三祝言

有子賢明二惠競爽

維母聖善七秩猶強

馬祥麟

鍾瑞

由新京歸櫬綏中安葬

鶴化憶仙游桑海遭逢喪祭匆匆自天降變

牛眠新卜地邱園清穆佳城鬱鬱安土敦仁

于雲章周年忌辰聯語

靈櫬尙延留詩句池塘宿草未通今夕夢

光陰真迅速陽春嶺嶠梅花猶似去年時

谷女士毓珊于歸

無怠無荒有典有則

令儀令色將翔將翔

于雲章安葬

星浦賦歸來曾聞入土爲安鬱鬱佳林鶴化千年認城郭
雲軒今稅駕共說奉親如願依依慈範牛眠當日傍松楸

李泮溪爲子授室

維其時矣日月陽止

入此室處琴瑟友之

輓熱河民政廳長張翊辰

客有自烏桓來者每懷雅範輒訊起居大好鄉評人言無間
君遂與茲世辭乎孰仗安危猶深眷戀我思嶽降天許重遊

吳品一灌依昆季仝壽祝聯

壽考維祺德音是茂

兄弟既翁和樂且耽

世號二難難兄難弟

天保九如如岡如陵

增壽臣宮保古稀

肇敏戎公既受帝祉

德音不已壽考維祺

賀陳湫六周甲並生子

靜女其姝乃生男子

陳錫哉周壽考維祺

賀邵竹軒為孫授室

申錫無疆穀我士女

孝孫有慶晏爾新昏

韓致中女納采

薄言旋歸天作之合

宜其家室晏爾新婚

輓高蔚然侍御

苦心天不負有志事竟成
萬里歸來觀公之獲正首邱於茲益信
積歲悵相違一朝驚永訣
噩音傳到憶日者契銘心版愴觸深懷

輓鐵嶺孫仙舫尊人誠忠翁

以商業啓其家持籌握算億中殊常最欽
八秩遐齡福壽全歸臻上瑞
有義方課厥子科第官場蜚聲當世尤嘆
二難著譽門庭昌熾煥鄉邦

徐石雪德配沈宜人研香輓言

詩書其韵窈窕其容與班姬謝韞比前徽
雅誼纏綿名媛流風披繡史
伉儷之情悼傷之意合安仁微之爲列傳
離騷哀豔美人香草託孤吟

倦廬題詞
挽吉林英積華

順

抑塞磊落鬱奇氣而未伸誰知創鉅痛深翻然歸逝
逸豫優悠就間曹以自晦回憶交游意致俯仰悲懷

賀張德純古稀

公益聲名洋溢乎中國

古稀歲月矍鑠哉是翁

輓范聘卿

以軍警有用才對社會俶擾際閱歷既久建樹尤宏磊落權奇名重濱江喧衆口
爲輿論之代表創時報而崢嶸持議公平發揮透闢款款慨嘆神遊蒼昊悼英魂
賀許筱篆爲子祖康與馬士貞女士結婚

穠李詩賡琴瑟靜好

臘梅香暖簾幙生春

王聘三侍郎輓言

與公有最後緣文章政績夙負清名幸識韓荊州講幄追隨稱盛事
維我縈無限感滬海中山遽違道範愴懷王大令琴徽冷落失高型

輓吳星珮母袁氏

藁砧剛逝夫倡婦隨可謂君子偕老
壺範長留風微人往爭稱賢母可欽

輓王室張潔岩女士

志高氣抗矯矯不羣思想特別人而謹守範圍尤見束身自好
子孝婦賢婉婉聽命家庭有進步胡頓拋塵壒未能宿願胥償

輓李明奎

星閣

恭儉謹慎朝夕弗違是旗員中自好之流歷終身如一日
言論風裁居恆罕接亦我省内獨行善士真曠代而寡儔

賀白子憲之子寶衡與趙女士結婚

配玉聯珠允稱嘉耦

歡天喜地恰屆新年

益發合聯

益其新知革其舊染

發乎天理洽乎人情

請益無倦堅凝恆德

明發不寐惕勵淵衷

事業益新精神愈斂

英華發外和順積中

損其有餘益其不足

止乎義理發乎性情

廚房聯

人人溫飽乃稱平世
粒粒辛苦每飯不忘
人生觀祇有爲善樂
天下事無如喫飯難

永盛和財神聯

永憑心地廣種福田端惟善人是富
盛復熙朝實行王道勿作斯世游民

門聯

永沐恩波日麗風和普天同慶
盛看春色桃紅柳綠萬彙昭蘇

甲戌

春聯

歲月如流周甲晉五
詩書結習餘畧珍三
講幄陳經天顏咫尺
陽光回宇地氣昭舒
糾縵雲霞自今伊始
駢羅碑版與古爲徒
除舊更新曰爲改歲
兼收並蓄足以有容
霽月光風人迎和氣
疊牀架屋家富藏書
範我馳驅謹爾侯度

電車棚

無遠弗屆與時偕行

人生惟有讀書好

廚房

天下無如喫飯難

朝饔夕飧神保是享

竈神

性禾善米每飯不忘

鞭策不須自然速率

汽車房

急徐合度莫走歧途

輓高級三

此吾仲兄之老友也遠踰古稀允稱壽考

惟聞近歲亦綦困矣子能歸葬獲正首邱

高靜泉爲子授室

樂寫洋洋詩賡偕老

河流活活冰泮搭連家於搭連河

海城孫念祖為孫授室

晏爾新昏曰為改歲

繩其祖武維德之行

輓金如九原配曾夫人

父為老居士

子敬之

翁為名孝廉

選三之媳

生長在詩禮門窈窕淑姿坤道範

女是崔一星子是陳兩難拋舍此珠玉質淒涼伉儷悼亡吟

輓族兄金滿

數年前已見衰徵雞犬桑麻曾旋故里

幾日內竟聞噩耗銀花鐵樹悵阻元宵

肥後醫院肥後女醫士索聯

蒼生痛癢彌關切

赤子安危仗護持

輓鮑霆九將軍

接吾鄉而有斯人戎韜諳練意蘊深沈大局冀和平津保往還紛解伴偕魯連子
距古稀雖云尙隔花甲早過林壬晚福噩音傳倏忽家山迢遞魂歸應戀海城邨

榮錦翁八十祝聯

含章可貞自昭明德

並受其福視履考祥

輓田中秘書官

人事亦何常前日盛強今朝隕穫

賢聲欽素著學修黽勉公務勤能

前途正大有可觀黽勉忠勤成績爲友僚最

今日胡遽然歸去歛歔慨嘆同人抱無限悲

仙履歌
斯世幹濟才胡偉抱未伸中途稅駕

同舟參議府悵音塵頓隔仙嶠長歸

大算可百年中道停驂天胡此斬

斯人不再見純修在望人何以堪

卓犖抱英姿方欽心細才長前途遠大

蒼茫赴冥路太息妻孀子幼無限悲涼

奉職憶居恆昕夕趨公服勞官署

抱疴纔數日音塵遽渺遄返仙瀛

輓闕霍初

喜文章著作廣藝術流傳盛事賴匡襄方期切實發明屈指早開評議會
距周甲甫過盼添丁猶待遺編亟收拾尙望搜羅稿件嘔心不負纂修功

贈飛行隊長佐野少將

天上別開空世界

古來本有飛將軍

再輓闕霍初

特別具材能擅言語文學專長足資實用
支撐膺事變綜奉山四洮路政煞費經營

輓崔果蘭

琿春政績有口皆碑教子守官箴金科玉律
周甲光陰回頭如昨哲人萎此日木壞山頽

孫丹階爲子世續完婚

世德作求以似以續

與子偕老言旋言歸

輓孫鍾午省長母張太夫人

傳 履 職 記
母抱慈祥貞順幽懷左右賴扶持功輔藁砧嗜酒劉伶終寡過
子有安靖撫綏偉略封圻資保障恩淪蔀屋籌邊德裕著殊勳

又代參議府

享算踰七旬淑慎慈祥故大德始臻大壽

著勳標九塞經營籌措惟賢母乃育賢郎

壺範樹萱堂福壽全歸帝座輝煌頌御筆

疆符持柳塞勳名不朽兒曹經濟慰慈懷

惟大德始享遐齡算越古稀極樂返九天鸞馭

有賢母乃生哲嗣勳高邊塞德徽仰萬里龍沙

瑞靄盡德門蘭桂芳馨餘慶爭承萱草蔭

徽音昭壺範臺萊頌禱壽辰曾賦綵萊詩

蘊含宏大德克嗣徽音理內政稱功臣教兒孫曰賢母

能顯揚其親乃云大孝在庭幃有令子數國家爲巨公

又代

政績說龍沙有哲嗣任重封圻瑞麥甘棠稱上考
徽音駛鸞馭維慈母德垂壺範瑤池瓊島迓歸旛
大業振江東有令子肩荷疆圻萬里龍沙成重鎮
隆恩頒闕北維慈母額懸綽楔九天鳳詔獎徽音
教子成大名與古人畫荻丸熊同其勤苦
當官著偉績維哲嗣宣猷布化煞見經綸

集四書聯

居易以俟命

溫故而知新

可離非道也

知我其天乎

張信初爲子韶鳳完婚賀聯

鳳凰于飛與子偕老

琴瑟在御晏爾新昏

輓張內姪壻煥文

健翮忽飄零天地雖寬成蹠跖

歸旛看黯淡樹雲縹眇返襄平

戴煥章 楷 輓言

古稀晉五載已屆遐齡惟曙後星孤奇相賦重墮培養僅依賢母在
睽隔越三春久違良晤忽晨間訃告暢談悵回首周旋猶憶昔年時

輓興有章

君亦大有爲人歟本期雲路重登効力邦家起衰賴展回瀾手

我與不相晤久矣詎意泉臺竟隔棲神瀛嶠齋志猶存望闕心

輓李仲都母薛太宜人

侍親能孝相夫能賢事事祇盡平常惟中庸乃彌精粹
享算亦高有子亦肖昭昭無非因果必淑慎乃克康寧

以詩書育後以賢孝傳家盛德媿宣文克嗣徽音撰中壘
維二子慰懷維八旬近算懿型堪繼武爭欽慈範播春暉
大筆果如椽讀仲子著述芳型委曲詳明真稱實錄
徽音孰嗣響維賢母昭茲來許幽閒貞靜不愧名媛

長春吳少庚追悼會

蜚聲譽舍著譽長春桃李總成陰化雨沾濡陶淑許多佳子弟
交訂忘年誼關姻婭梓桑懷舊德開筵追悼歌吟不忘故人情
花甲尙未周惟生平事蹟瑩瑩可稱道路頌遺型雖沒世而名不朽

傳鳳聯 三
華筵今特設看追悼禮成彬彬如式英賢希再作微斯人其孰與歸

連奉澡塘聯

連日洗塵胥除舊染
奉天遊屐曾號遼寧
連海吸江汪洋澤國
奉無重有沐浴皇仁

輓趙希堯

何疾之驟也璧失連城同此浩嘆
其命所限歟屋傾梁棟奚以支持

王中玉母劉太夫人

古稀算近今世德難維母貞靜幽閒中壘高文侔列傳
土木任艱語言學暢有子權奇磊落前途遠到慰慈懷

瀛海喜歸來看令子政事語言有守有爲成大器
庭幃垂懿範維慈母丸熊畫荻克勤克儉著家規

輓教政宸母趙太夫人

慈算踰八旬春滿鳳城竟拋卻花香鳥語

賢郎邁儕輩名馳驥坂最難忘木本水源

輓黃秀伯

慧中

積水匯深潭白露蒼葭伊人宛在

當筵追勝概檢書看劍逸興遄飛

輓巴彥王銘時

琿

鄧高密教子成材人執一藝

陳太邱化盜有術天牖其衷

輓陳重遠

天殆謂東方文化孔教已復興歟不然何相召太遽也
我所悵四海至大明公從此逝矣嗣後誰奮起以繼之

新京神社慰靈祭

悲壯淋漓禮昭追悼

忠勇義烈氣燭高雯

輓王巨川

高算踰古稀胡二月春來大好風光竟拋卻花香鳥語
純修樹鄉望聽滿城譽美哲人其萎爭悼惜木壞山頽

輓常栝襄

桂枝香折仕宦多年每思召伯甘棠爭歌德政
常棣縈懷鬱陶殊甚吟到謝公池草奚以爲情

曹公綬軒暨趙太宜人合葬輓言

逝者以入土爲安昔遭喪亂今際安平先後獲追陪同穴可賡嘉耦欣欣偕鳳侶
人生惟慎終最要不有賢孫誰襄大事經營得地址濱江在望佳城鬱鬱見牛眠

大連贈諸校書聯

靜俠 神氣凝重風姿秀整無青樓習

靜女其姝詩吟俟我

俠情如昨意總憐卿

寶珍 北平人年十五工唱能大鼓玲瓏剔透善言語秀氣所鍾陷入煙花真成憾事

寶鏡蟾輝玲瓏塵淨

珍珠蚌朗剔透光瑩

寶珠 心思縝密善解人意

寶馬香車行行如遇

珠光花氣遲遲忘歸

彩玉

性情平善不勞駕馭自就範圍

彩鳳雙飛期比翼

玉人何處教吹簫

交通部張雲路之尊人麟閣公輓言

生平以公益爲懷圭璧勵純修社會人羣爭仰賴

周甲甫重逢即逝桂蘭看繼起門庭昌熾世交稱

輓董賓谷母李太夫人

慈算近期頤端凝謹飭垂範閨門故大德必得大壽

後人能競爽文武權奇知名當世惟賢母乃育賢郎

四平街公學校二十周年紀念

成德達材誨人不倦

生聚教訓恰副其期

岩間德也周甲贈聯

壽考維祺俾爾戩穀

秉文之德遐不作人

張都轉仙舫安葬於瀋陽東北二十里之王家溝爲聯屬其子述良刻於墓道

吉壤卜牛眠鬱鬱佳城萬壑松聲助吟興

新阡封馬鬣茫茫終古四圍山色葬詩人

高霽雲與王女士嘉禮

君子之道造端夫婦

靜女其姝宜其室家

莊河徐芹堂尊人致祥公輓言

靈秀毓青堆試出北門

家於青堆子北大門

覺鄉望巍然桑梓瞻依樹德範

雋明標素履爭傳東國看英才蔚起桂蘭昌茂播賢聲

輓浪中溝王翁德謙

明年即屆髦期日月迢迢閱歷滄桑驚夢幻
後嗣均能競爽子孫緝緝蔚蒸蘭桂萃門楣

鄭宏毅繼室王恭人輓言

落花時節鳳泊鸞飄悠悠戢影房幃氣象蕭條賸遺挂
芳草光陰雨零月黯慘慘承歡兒女泉臺悽戀哭春風

文化學院成立紀念

得與斯文守先待後
所過者化成德達材

輓金靜菴母吳太夫人

維母甘貧食賤育才相夫涵育日深栽培日篤
有子敦品績學守先待後期許者大成就者宏

又代關子貞

惟賢母乃育賢男坡穎聯芳機雲競美
有淑行斯垂淑範傳高中壘碑勒瀧岡

又代慶清

教益坐春風為飲水思源厚澤敢忘慈母惠
恩暉殷愛日詎樹萱萎蔭哀忱為寫棘人詩

又代周理菴

相夫持家維母誰堪繼武
守先待後有子能與斯文

輓王煊川

星原
六十八歲

中歲頗好道

右丞是前身

永大照像館聯

永世精神栩栩欲活

大觀氣象歷歷如生

安仁溥原配侯孺人輓言

爾翁

波

爾父

汝

我之良朋方期平善前途永諧琴瑟

有女有兒年幾半世胡弗綢繆家計好佐藁砧

蓋平周興邦母門太夫人

九十一歲

壽屆九十餘齡畫荻辛勤陰敷累葉

時當四月之半秀萸節令竟萎慈萱

于浦涵與張世民女士結昏

荇菜參差榴花爛漫

天桃詩句穠李風華

輓曾子敬顧問 六十三歲

太息右丞佛學湛深典型如昨

嗟乎子敬音塵闕寂人琴俱亡

谷靜山之女蘭和于歸

似蘭斯馨勉其祇植

既和且平宜爾室家

郭精義嫡配薛夫人古稀

萱草榮長榴花爛漫

連灣風景古稀壽筵

輓十姪女李室袁孺人 五十三歲

半生來淑慎其身沒世無慚相夫有道

十餘載糾纏疾病一朝解脫極樂歸真

內藤湖南博士輓言

與公相會期從前祇兩次

辛亥冬暨文化協會會議時

是為漢學者國中第一人

東人研究漢學者固不乏人惟公窮年兀兀所詣至精有四庫全書化身之評可想見矣

擬石琴主人墓聯

有嚴有翼以妥以侑

無蓄無害不騫不崩

郭紹孔輓言

代

鄉望重西城錦水錦山看寺兒堡一帶邨閭咸欽德業

英聲溢南嶺俊才俊識掌司令部千軍筆墨爭頌奇男

高鈞閣尊人輓言

享上壽早踰八旬鄉里稱善人排難解紛魯仲連高風再見

積厚德篤生哲嗣官常著成績光前裕後舒穆祿望族重興

輓魏誠齋母孫太夫人

戈戟際倉皇奉移桂欄權厝珠林鬱鬱抱哀忱
三載流光始通訃告
香花虔供養潔治几筵
啍誦經讖洋洋如在上
七旬老母長樹慈型

輓董璧忱

母櫬在堂孝子九原往趨侍

靈筵布席梵宮一幕寫哀忱

輓王襄忱次長尊人永和翁

樊遲學圃於陵灌園民生在勤卓然自立

魯連解紛太邱化俗明德之後必有達人

輓蔡室李夫人 品三元配

元相悼亡詩營奠營齋往日流風堪範世

梵王極樂寺傳經傳法連朝暑雨爲催晴

輓蔡勳翁

品三尊人代

德望樹雙城父老謳歌孰嗣有如子產
交游逾十載笠車情誼辱知曾結元方

又代

有猷有守有爲名著曼珠惟哲嗣賢能卓著
得壽得名得祿風高梓里羨我翁福德全歸

人生惟得賢子爲難蘭桂齊芳瑞輯德門羨昌熾
積算以享大年尤貴桑榆晚景人歸極樂任逍遙

惟大德乃享大年康彊壽考算踰古稀聲望與雙城並峙
有賢父克生賢子幹濟廉能才堪大器勳名爲斯世爭推

贈王介藩聯

孝友家風耕讀事業

里閭保障言行表坊

輓桐城張伯未

延厚

君來我不知日君歿我不知時最後緣慳猶思去歲奉垣相逢邂逅
有弟猶未免闕有子猶未免窘全家何恃此即文人末路煞覺荒涼

輓前電報電話局長田澍之

日前覩面驚衰即溘逝亦非意外

此際游魂極樂知好佛便脫塵凡

又代

明年即屆古稀福壽全歸佛國修行尋極樂

此日早超塵俗聲名長在典型如昨樹良模

電局著殊能功在長春可炳勳名於奕禩

佛門託深契神歸淨土不留色相在人間

楷林姪孫授室

將翔將翔與子偕老

無非無議宜其室家

熊岳侯印滔為子完婚

宜其室家與子偕老

七月流火三星在天

安東新報社落成

或哲或謀有倫有脊

迺慰迺止載寢載興

義合銀行開幕

義利分明生財有道

合資事業積久彌光

義薄雲天財源擁海

合組商業衆志成城

高蒙泉爲女納采

亦孔之嘉莫不來賀

每懷靡及宜其室家

輓筑紫五郎

人生難得少年方期奮志前程扶搖雲路

太息無端疾病竟致歸魂故國拋棄塵緣

丙寅遺漏各聯查補於後

春聯

丙越光輝根崇秋實

寅回斗柄古重夏時

丙相問牛待調氣運

寅君畏虎疇解寓言

丙舍揮雲香臨古帖

寅賓出日春暖芳膾

丙耀輝煌雲霞煥采

寅清亮直圭璧持躬

豹隱龍潛文韜彪丙

鳶飛魚躍功本虔寅

丙照藜燃差堪自喻

房門

寅恭淵靜默足以容

丙燭明心閉戶自省

中門

寅清接物出門見賓

魁丙不操自甘家食

廚房

同寅徧享愧乏大烹

輓范朗青尊人官閣徵君

憂樂遺風孝廉貞範

古稀高算人譜增刊

輓史子襄

庠序重同寅如君教育熱心共溯經過歷歷

光陰邁周甲悵我交遊回首相逢老輩寥寥

又代製品清

數月坐春風維師讚比光庭每聆面命耳提幸承雅訓

卅年追化雨愧我才慚端木卻歎山頽木壞頓萎哲人

輓王維宙母康太夫人

臘鼓佇催殘竟遲兩日流光忽忽年關末迎新歲

綿巖靳偕隱揣到百齡慈注茫茫宦海仍盼安瀾

又代品清

宰邑愧龔黃亦荷大匠甄陶飲水思源敢忘壽母

育賢齊孟仇最悵徽音迢遞望雲遙奠不盡微忱

又代

宦蹟涖吉江郡邑板輿比潘岳

賢聲齊孟仇瀧岡阡表勒歐陽

輓高壽彭長齡

風誼重當年感喟交游憶把酒談心相逢虎驛

憂勞勤夙夜淒涼身世歎持籌握算未展鴻圖

輓張效騫尊人海亭先生

生子皆不凡才譽隆庠序業紹農桑世澤孔長門楣寢盛
維公逾古稀算蔭育蘭階名高梓里遺型在望模範堪資

輓陳鶴孫母王太淑人

戎馬劇倉皇喪亂未平記曾城郭震驚靈封桂櫬
椎牛陳奠饋禮儀卒度最悵几筵臚列雲黯珠林

輓趙穎皆母趙太淑人

有子現宰官身譽播甘棠樂只溯原追所自
維母作閨門範輝生彤管古稀逾算見全歸

贈綏中鄧萼樓

知我其天爲仁由己
行道有福作善降祥

瑞慶里聯

瑞雪兆豐年禹甸湯郊共霑膏澤

慶雲歌盛世堯天舜日復現光華

賀王作鎬與桂奉襄嘉禮

言旋言歸終溫且惠

以似以續其新孔嘉

輓廷輯卿

以精神病卒

宣績說臨溟十載循名看作吏高遷指顧可到

光陰踰服政一朝染疾胡如神志氣頓異常時

輓趙柏榮校長

小兒女幸荷甄陶數月裁成總不忘濱江教澤

大君子遽捐館舍中年哀耗更何堪異地羈魂

賀吳興帥爲子授室

天朗氣清惠風和暢

桃夭李豔佳節芳菲

高松齡八秩晉三杜太夫人八秩晉八雙慶

代

德美倡隨算徵耄耄

天錫福壽春滿乾坤

馬藤溪七秩祝言

日月舒長是翁矍鑠

煙雲揮灑居士清涼

輓穆華庭

滿腔子都是生機已溺已飢維我公胞與量廣

人羣裏共推領袖習商習賈看哲嗣闐闐聲高

輓邊母董太君

彤輝荷屢次褒揚貞靜儉勤方冀享期頤上壽
寶婺悵一宵黯淡歔歔悼痛猶足留閨闈遺型

輓佟蘊山母李太君

康健近頤齡看春暖萱榮海屋籌添八秩早欽慈算
清和當首夏悵節臨蓼秀藥欄花韵一時彌助哀忱

輓李毅忱母張太君

仁儉溫厚慈祥維賢母懷抱溺飢信仰證成佛地果
英明敏練慷爽有哲嗣才堪艱鉅循良曾現宰官身

金選三山瑩門聯

鬱鬱繞佳城脈引輝山勢連天柱
綿綿延世澤功承祖蔭緒衍孫枝

輓王希哲母張太恭人

文苑作傳人有子純修清品與古爲徒聲震藝林白闢壇坫
徽音堪嗣響維母焦慮苦心自彊不息譽隆闔範咸奉儀型

萱闈算屆古稀方期繞膝孫會長娛晚景

榴砌節臨端午詎痛乏靈藥石抱憾春暉

在當時卓越恆流摩挲金石講究圖書磊落英多爭羨高辛有才子
以一身昭垂淑範灌溉芝蘭輝煌彤管陶成養育難忘孟母擇芳鄰

輓鄒大鏞

東閣

綺歲噪才名庠序有聲賢母教成能樹立

晚年嬰痼疾戶庭不出壯懷隕落悵淒清

賀丁母八旬

日永萱闈圖開貓蝶

風清柳塞賢育麒麟

輓陳祿廷元配郭孺人

德門繁子孫憶挽鹿辛勤夙稱賢配
長夏盛草木悵鳴蜩時節彌動哀忱

輓李仲篋

憶十幅可以添修詞苑才高曾誇造鳳
胡五絲未能續命端陽節過竟賦騎鯨

輓孫君與德配合葬

享算屆八旬堂構經營耕讀蔚成世業
歸真同一穴泉臺伴侶倡隨何異平生

輓胡翁長恩

計閨早越百年壽享期頤共頌梓桑人瑞
論德足型一世家傳耕讀更培蘭玉英才

輓陳母周太夫人

救世如佛菩薩講學比鮑宣文福壽全歸果登上算
交情與陳季方躬奠愧徐孺子雲山迢遞末叩靈筵

輓黃君湛中

經營實業閱歷仕途勤勉爲懷煞費一腔心血
蘊藉性情周詳思慮精神如在難忘平日風規

公益分當開幕

有無相通緩急足恃

金融流動商業崢嶸

同善堂四十周年紀念

擴同胞同與慈懷爲仁由己

圖善始善終良策久道化成

輓田母于太恭人

明通穩練相夫才長看井井有條家政賴賢媛助理
憔悴憂傷遭時命蹇痛悠悠不返歲華剛半世初過

輓江壽峰先生

慕渠之尊人

苦心救世苦口喚迷與道爲歸起衰濟溺

有父開先有子繼志聞風興感立懦廉頑

著作等身聲稱後世

功在禮教愛采人羣

賀孫宅完婚

牛女良宵雙星早度

鳳鸞雅奏一闌新聲

輓長興甸司振久

謙以接物儉以禔躬鄉里稱善人花甲初周應共悼
內有持家外有服務子男號英儁芝蘭競秀信足多

納采聯

快婿比乘龍看之子于歸春到天桃女如花而更好
畫堂開喜燕計佳期在即華纓玉李人與車兮俱雍

輓王銘鼎母陳太夫人

慈祥愷惻淑慎持躬維母落落風規算越古稀全歸福壽
公正廉明當官執法有子英英露爽恪遵懿訓咸佩賢豪

輓許母佟太宜人

慈算近九旬維母含辛茹苦閱世劬勞名重璇閨樹模範
徽音著三黨有子懷瑾懷瑜蜚聲賢雋輝騰玉樹映階庭

輓丁極宸母張太恭人

溫恭淑慎謙尊而光維母算踰古稀競祝慈萱榮壽域
穩練精詳自彊不息有子名高儕輩可能寸草報春暉

輓王子鄰尊人炳翁先生

耕讀世業孝友家風宗族鄉黨交稱庸德庸言足資模楷
桑梓留名玉蘭承蔭福壽康寧歸去賢孫賢子克紹箕裘

輓王渭生 秉權

濱江舊雨判襟經年君正盛時胡爲厭此糾紛恩歸去
宦海狂瀾追懷疇曩我聞哀耗猶復念昔勤苦悵悵以悲

輓李晏春母熊太夫人

距古稀祇利那間海屋添籌天胡此靳
撫孤子屆成立日春暉報德情何以堪

輓馬錫三母李太夫人

高算踰八旬方欣日永慈闈名標鶴錄

徽音照一世那料雲淒孤樹駕駛鸞驂

輓郁子章母肇太夫人

歷憂患閱苦辛維母力造家庭康健幸逾七秩壽

立身名勤職業有子才稱社會顯揚應慰九原心

薩克達母侯太淑人輓言

慶流五世算踰八旬福壽全歸鄉邦健羨

名重璇閨神遊瓊島温恭允塞坤範昭垂

陳氏建祠題聯

孝思維則天鑒在上

執事有恪民具爾瞻

又代

三代崇褻一門庸行

千秋俎豆萬戶儀型

輓英積華母邵太夫人

壽算踰八旬爲名門女爲忠節妻辛苦生平日永萱堂資福蔭
後先遺二子有韜略才有賢明譽英姿颯爽風傳柳塞著殊勳

輓李碩夫尊人弼廷先生

高算踰古稀維公遼北馳名與板橋道人隱符別號
賢聲蜚一邑有子輝南佐治訊柳溪居士不愧同宗

輓李君陰南

君病未知甚疾君歿未知甚時曾日月幾何胡撒手若斯之速
我語憶與談心我函憶與說項歎人才難得竟愴懷不爲少留

輓呂銘三君

其心廣其意舒其體腴其氣厚是真壽者徵並無短命相
乃疾乘乃耗噩乃理反乃數奇痛揮故人淚爲撰有道碑

輓嚴蘊初先生

習申韓術用仙佛心盛德所涵子孫昌熾
有遺老風逾古稀壽哲人頓萎模範欽崇

輓張德宣

百歲本彈指光陰況將花甲年齡天胡此斬
平日曾悉心研究講到青烏學術誰作替人

輓馮閣忱都護

久要不忘生平志慮精純堪與張忠武後先比烈
我亦曾爲揖客禮文殊異每思汲長孺會晤將軍
時勢造英雄憶保障梓鄉鼎鼎大名震遼海

光陰屆花甲詎壞頽梁泰沈沈愁霧黯醫巫

偉略鎮巖疆萬隊貔貅尊宿將

陪京追舊蹟二陵風雨繫人思

王旭堂戒除嗜好求書聯語

創鉅痛深迷途駐足

祛痼窒欲苦海回頭

輓寶麗亭

維君乃自治人才王化起於鄉誼重梓桑捍衛猶留當日績
有子皆今時俊傑學成歸本國澤承椿蔭顯揚應慰老人心

輓秀亭尊人蘇翁耀先

以貨殖起家端木才長允為寒儒吐氣

歎神仙亦歿子瞻運蹇誰言噩耗非真

喬芝三立嗣致祭成主代擬聯

念昔先人令聞不已

維余孝子式穀似之

青年會落成

如切如磋聿修厥德

爰居爰處有覺其楹

輓于朗昆

獲詩書報擅翰墨才自歸宦海途中卓犖聲名大府常稱東國彥
有孝友風號循良吏試走吉林道上輝煌政績行人猶說北山碑

輓信母王太夫人

事親以孝處家以和持己以勤教子以義懿範可增賢母傳
禔躬無詆問心無愧庇蔭無盡食報無窮令郎初現宰官身

輓王冠吾母韓太夫人

板輿奉母人子正慰寸心胡甫踰兼旬竟返駕瑤池神遊極樂境
璇壺遺型慈範允傳衆口矧挺生哲嗣更運籌蓮幕人比行祕書

輓羅燕山先生

講聖賢學結仙佛緣高算踰八旬人世滄桑塵海幾多閱歷
留耆舊名裕子孫業榮褻瞻兩額光輝綽楔秦梁爭寄欵歔

輓何懷德元配龐夫人

說禮樂敦詩書婦號女宗夫稱宿將

周甲辰煒彤管生能貞靜歿亦神明

賀陶桐君授室

桐葉侯封唐虞錫國

桂輪香滿人月雙圓

輓秦宥橫

心服古人眼空俗士

名稱沒世壽靳期頤

輓宋鐵老

老氣橫秋獨來獨往

生平願學亦步亦趨

輓光母姚太夫人

具遠大識持勤儉道

逾古稀算生非常男

輓王占三先生

時事慨蝸蟻鬱勃蒼涼蒿目誰爲天下雨

先生比鸞鳳慈祥愷惻信心獨有古人風

佛屋聯言
輓清兒岳母齊孺人

臥病屢經年撒手而歸始是神遊佛國
嗣徽孰媲美傷心南望未能躬奠靈筵

輓劉母柴恭人

梅春正小甲算已周看恭儉仁慈淑範可增賢母傳
椿樹猶榮萱花竟萎賴恩勤撫育令郎初現宰官身

輓姚紹崇姪壻

以安詳穩練好姿方大其宗胡斬爾算
有沈鬱低徊隱痛乍聆噩耗深愴余懷

賀尹卓章完婚

喜溢柳河諧妙偶

春回梅嶺屆芳時

輓徐又錚上將

如此美才不愛護而摧折之大乖人道
辱承重視思品評與諮詢處深愴余懷

輓曾述堂

冷眼荷垂青接席談心客去曾懸高士榻
俠腸競浮白當筵促膝魂歸應憶醉翁樓

又

是銀岡第一流富擔當力有責任心老氣橫秋亦狂亦狷
論石交餘幾個研義利關商出處道生平知己可友可師

輓魯棣琴

昂頭俯視凡庸卓犖不羣獨具湖海意氣
傷心別有懷抱抑鬱誰語豈真闐闐中人

賀王錫鈞授室

鐘鼓樂之琴瑟在御

與子偕老宜其室家

賀鹿賓國娶第三子婦

昏姻孔云穀我士女

禮儀卒度宜其室家

賀白賡都爲子完婚

駕予與歸既見君子

式燕且喜觀爾新昏

千文集聯

有序

壬申二月既望就參議職下榻確磻總局梁君鈞甫處嗣以局務易人乃移
住益發合銀行其經理孫秀三王子衡兩君任余之自便余亦不稍存客氣

以自外余居樓上日臨智永禪師真書千字文百餘字揮灑之餘偶思集字
爲聯初亦乘興爲之無成心也後乃愈引愈長層出不窮至一百數十聯既
而思之雖集徧千文亦可能之事乃復按字集之至二百七十七聯已無賸
字後乃又增加若干以搜賸意雖係閒中筆墨近於遊戲然論古慨今談理
抒情上下千古縱橫萬里極其筆力所之亦時有出於意外之處固不足當
大雅之一盼若初學見之亦導引性靈運用典故之一法獨客中無書未暇
檢閱祇憑臆造不無譎陋之譏耳五月十三日識於益發銀行樓上

五言

蘭池清夏氣

大兒孔文舉

琴委絃中散

松觀寫秋聲

高宗商武丁

途悲阮步兵

世少大人跡

英辭映日月

席珍尊國士

誰爲王佐才

高義逼雲天

承旨達王言

設伏兵家事

子文功霸楚

刑于資雅化

忘骸逸士心

魏奄禍亡明

弊極啟新機

集彙傳書跡

位列上中下

善因結善果

圖形賴畫師

才分天地人

仁性發仁心

神靜妙無累

老莊非忘世

大道直如髮

德輜比有倫

孔孟淑諸人

孤懷默運心

天遠雲無極

古跡尋秦漢

驅轂陪冠帶

江流月有聲

高懷慕綺園

知音辨瑟琴

朗日暉樓觀

君實厭安石

率性之謂道

浮雲翳漢霄

景清忠建文

能磨豈日堅

水流心最靜

欣奏房中樂

學以通為貴

雲動意潛移

遙瞻天上人

詩惟新最難

九如譽岡阜

修辭翦枝葉

王傳維善畫

八表定巖壘

立德敦本根

高適晚能詩

重臣爲宰相

俗累誰能黜

通起朝儀制

餘事作詩人

眞機祇獨知

何成律志書

大海羣魚躍

侈富生罔想

豫讓甘虧體

寥天一雁飛

饑寒起盜心

終軍敢領纓

野曠天連樹

伐木詩求友

霜露皆施惠

淵澄月近人

食場詠好賢

秋冬亦伏陽

恬靜過可少

接木移花手

每讌杜康酒

飛騰氣頓張

旋天浴日心

莫悲阮籍途

問道尊師傅

澄心玩理妙

大同公宇宙

祀天極悚惶

引領願承平

聖德作君師

羊祜懷仁德

委運聽天命

五常首仁義

馬周信相才

陪京本奉垣

兩儀分陰陽

羣雞能辨色

冠履嚴名分

輦轂鍾靈氣

來雁每聞聲

園亭集主賓

丹青貌古人

大道陳根本

忠孝嚴君父

驢背詩情發

深心運杳冥

藏修廣見聞

禽經要道傳

懷舊歌黃鳥

光陰驚俯仰

世侈陋俗甚

思賢詠白駒

身世感悲涼

秋涼清氣多

高懷每寫意

短長莫相問

入廟事每問

妙物自移情

容止如有思

屬垣辭易疑

文辭薄海內

老友誰投分

海大龍鱗躍

俊乂滿巖廊

孤懷祇默尋

天高鳳羽翔

惟真乃能動

高文推左國

高士無俗想

必恆始有成

妙理會蒙莊

天人有妙姿

詩書敦夙好

墳典動遐想

雲霄高宇宙

林園無俗情

園林杏俗懷

城市有山林

高懷歸寂靜

神龍躍大海

大漠寒沙遠

真理本中庸

威鳳翔高雲

長城落日圓

好文勞紙筆

多竹納涼處

學而優則仕

適性屬琴書

皇華遣使詩

情以逸乃長

鹹淡孰真領

五倫始夫婦

匡居求大道

糟糠獨取精

兩氣別陰陽

臨政布嘉猷

要離有俠氣

孟軻豈好辯

研易來知德

聶政貽令名

宰我實能言

工詩杜牧之

操持嚴履道

居敬而行簡

赤鱗躍河海

旋轉賴磐才

盡人自合天

丹鳳下梧桐

大隱韓康市

世情真轉轂

易瞻端木牆

天道如張弓

六言

有猷有爲有守

無心人緣無學

好善則羣黎服

無荒無逸無私

有德者必有言

篤恭而天下平

登東皋以長嘯

對外要持大體

垂衣裳而治國

履南畝而懷新

登高能賦新詩

束冠帶以持儀

恐修名之不立

嘗尋心以審理

卑之無甚高論

思寡過而難能

時矯首而遐觀

去後猶有遐思

子路乃孔夙重

本初爲操所輕

七言

堂堂乎難爲張也
察察焉可謂明與
染綵新絲悲異色
輕羅紈扇引微涼
研精古籍阮文達
施政新畫陶子方
宣宗嗣續常承嗣
天寶明皇竟不明
聖答言游曰是也
人問子西云彼哉

克治工夫求已盡
功名機會任天爲
元結良臣唐世重
陶潛處士宋書尊
羊祜本來臣北魏
馬騰猶想起西涼
矯首雲霄宜廣志
動心欣感貴忘懷
景淵賢在樂不改
如孟方稱道旣通

明皇索環眞辱行
太宗背燭作謙辭
道塞孔傷鳳不至
節高陶詠鳥知歸
虞集能文工寫物
高歡滅主敢稱皇
書畫才名唐子畏
琴尊雅量晉淵明
歷世光陰千古積
自天雨露九重新

巖岫潛藏誰感象

氣莫凌空騰宙宇

淵短盜長斯日命

雲霄高舉慕遊鷗

道應居易履中和

邦仁羽異豈宜君

洪武涼薄異人性

壹是以修身爲本

李長吉玉樓仙召

順康仁聖荷天知

兩儀乃立道之根

孟山人金闕辭歸

捧日朝天奏金闕

呂叔簡祀從孔廟

九霄日近華增采

流雲華月照丹楹

韓文公學冠唐家

四野風和靜不聲

晚翠園林天曠遠

蘭馨空谷人忘賞

日月轉丸天不息

流丹樓觀地飛騰

葉落閒庭獨詠詩

雲霄懸綵景常新

誰是好德如好色

惟德業乃能自立

寶此身名如持璧

可知成己即成人

事君親必竭真誠

念茲心性永銘盤

逸靜則心神頓放

亡身斬獲悲韓信

仁廟御書珍墨寶

疲勞與身體有虧

盡力鞠驅屬孔明

山家啟事重辭箋

商能假信以堅信

殷每書空實捕空

誰云英果爲敦復

世謂傲能轉宋高

去垢磨光新德性

戶封家給慶康平

仁者焉庸能口給

學人所貴在心維

修竹新荷見孤潔

寸陰尺璧衡重輕

溫清儀文修孝子

忠貞心事盡良臣

莫使中途竟稅駕

好遵正路勿抽身

慎德功夫惟慎獨

知人道理在知天

不資等進人驚弁

亦幸榮陞友振冠

咄咄逼人驚俗士

閒閒歷世得良方

敬恭爲積福根本

侈肆乃召禍因緣

育民政策方王道

濟弱猷爲乃霸功

因緣夙結深溟感

欣感相連豈路人

吉集福綏增悅豫

年高德劭仰儀刑

跡晦靡疑別動意

歲寒賴有後彫心

地也誰非墳以入

天之不可階而升

熟成文字根功力

工妙畫圖逼寫真

攝職即真有同異

睦民和國賴忠誠

動魄驚心要安定

萬國傾心爭隸籍

出有高車入華宇

移情得意重修持

遐方稽顙盡來王

侈多犢特飫羔羊

逸少書家慕厥筆

勿使宰烹等虛飫

別離封髮婦節重

林宗人望重其巾

亦虞涇渭過分明

紡績斬機母訓嚴

王右軍世稱書聖

地據上游重邛洛

可與談人能有幾

李北海堪號墨皇

人縻美爵坐朝廊

知道道者本無多

方嚴正大真卿筆

覆載惠深甘九頓

日昃周文求治意

俯仰從容永叔文

經營思苦累千尋

忠貞晉息答君心

愛月夜涼人不寐

地府頗傳驚駭象

稱讚益虧譏誠美

凌霄天邈孰能登

天仙飛下步虛聲

子臣禮盡父君尊

子房帷運能興漢

詩無難解白居易

俗子假人皆取厭

光武號稱乃并韓

文去陳言韓退之

微臣賤妾豈無賢

覆載無私天地量
維持不忘聖賢心
杏不相連情自篤
羌無故實語能佳
魏收修史貽譏誚
孟達投誠辱畔亡
多竹生寒潛去暑
孤松作勢欲凌霄
漢高涼薄多誅滅
秦始兼併不再傳
謝朓詩懷尊杜老
孟嘉女孀出淵明

碑寫林宗思有道
酒耽王績號無功
慶父惡深能益難
伏生年老早通經
惟有俗人殊可厭
不宜正士受中傷
陶淵明甚思歸去
張橫渠改讀中庸
丹青法妙王圓照
制藝文嚴路閏生
駕虢女盈圖妙巧
背鍾男會語輕圓

高子羔無形施惠
甘興霸不祿猶靈
青出於藍見學力
色根自貌辯天機
神遊足恃張居正
指畫爭稱高且園
杜老知交思舊雨
子瞻侍妾有朝雲
性天淵妙長生果
心地光明不夜珠
男女禮殊重有別
嚴慈孝養貴無方

貢禹榮陞殊自幸

書有何嘗經我讀

子長史筆高千古

祭遵在位亦名臣

事無不可對人言

周滿仙遊歷八方

矢催歲月當勤學

臨石高貞尊古刻

尋環仙以謝農寶

薪接淵流賴後賢

照林王建是詩人

結草冥能抗杜回

陳東敢言士氣振

孫堅啟江東基業

東施效顰最可恥

之推遠引行爲高

少陵有渭北詩懷

北魏治國乃好文

隱逸莫真譏好酒

李老乃稱知禮者

羽有增而不能用

出條豈實爲蒸梨

達摩本是禪門宗

禹得啟於以嗣興

禹爲平水土神聖

王巨君謙恭亡漢

君實平章能服遠

軻乃曠世代大賢

魏忠賢寵橫禍明

阿蒙武將亦耽書

潛心察理常思過

文筆飄飄有仙氣

秉燭要觀煒煌象

惟口興戎實慎言

內功充實守丹田

舉觴能悅親戚情

士龍士衡佳嗣抗

魏相丙吉知大體

賤牒無忘爲命體

子猷子敬可承義

楚才伯約豈忘親

超騰莫競上人心

王子晉成仙離世

不因人熟有特性

伊尹效烹終伐夏

陳後主好色忘亡

祇恃己長非公心

磻溪垂釣竟興周

甯武營君愚孰及

王安石性情特別

正則文精奉辭聖

李斯毀道斬誠宜

張居正才具殆優

商君天惡獲冥誅

問道誰真甘北面

世間本有大人物

深谷伏龍人獨隱

慎言我欲學南容

天上直下飛將軍

高岡鳴鳳士能言

廉頗餐飯猶如舊

歡若平生如夙好

守仁乃真學道者

逸少東牀實異常

實知要務不多言

務觀的屬作詩人

驢躍何能矜一代

陰雲滿布勢如蓋

惟我獨尊有好爵

龍驤是否冠三軍

新月初懸光若磨

云誰之思曰美人

政績聆琴棠勿翦

百年最竟人終老

禮樂詩書爲國本

善因結草果眞良

萬足知音世果誰

君臣父子植人基

聖賢仙俠合成者

歷史中幾無相似

嚴求都有幾微過

天地神祇默相之

終身內誰是眞知

節取誰無尺寸長

廣受辭官敦素節

禹湯文武善治世

古道疏槐秋葉落

機雲入洛正青年

起翦頗牧能用兵

夕陽高樹晚涼多

玩世不恭思阮籍

節晚猶存鞠處士

孔明才高乃謹慎

與人爲善愛林宗

夜眠常近竹夫人

象山禪妙異中庸

莊列墨韓號諸子

無可奈何天所命

制禮作樂周聖旦

禹皋伊傅皆名臣

有如夙好宿生緣

弔民伐罪商成湯

一體相連臣婦子

君實作資治通鑑

新妍幼婦辭誠妙

古時有道夏殷周

魏武有孟德新書

荒杏仙姑廟豈靈

忠誠狂逸嵇中散

漆綺高超不思仕

迴日樓楹非甲帳

名將良臣趙順平

毛施美好足移人

去時冠劍是丁年

遐邇聲傳馳美譽

妙曲清歌工入耳

門戶枇杷聚妍咲

明通利器釋紛煩

精筵佳膳適充腸

畝田黍稷務經營

化民德盛唐虞世

富貴功名非所願

祇有高歌驚世俗

從政人稱果藝才

身心性命得攸歸

並無奢願取公卿

誅盜安良天下治

慎獨省躬能改過

節廉不染侈肥習

勸農賞善古懷深

立誠修業豈無方

敬慎常存規矩心

臣子敬恭如尹傅

勞能逸志緣神靜

在我信心忘譽毀

皇王垂拱慕唐虞

老不疲精賴婦賢

願天假手默維持

手執簡墳稽萬古

詩詠雲情思淑美

每發高歌動世俗

心思鉅任過千鈞

論高月旦矢精嚴

更懸巨筆凌雲霄

簡言之盡操諸己

濟困扶窮有深志

宰我晝眠貽誚讓

皆是也要安於心

匡王佐帝啓嘉猷

淵明杯酒比羲皇

文辭綿邈發皇氣

德勒碑銘羊叔子

松竹鞠蘭矜雅植

心性仁慈隱惻懷

辭懸殿陛馬相如

圖書琴劍佐長年

隱藏俯仰徘徊意

易重勞謙箴造次

功勒碑銘傳宇宙

別具歡欣悅豫情

道遵敬畏誠荒亡

威宣沙漠起長城

老去猶存薑芥性

功奏殿廊將相績

幹璿佐陛嘉猷樹

歲寒獨秉竹松心

德成金玉聖賢姿

解組歸林遠慮超

天上帝城瞻鳳闕

桓文霸業扶微弱

岱嶽浮雲橫岫遠

雲中宮樹映龍樓

秦漢故都極典皇

洞庭秋月映光寒

德動雲天照圖史

薪盡火傳資聖道

琴書日對嘗綿邈

道垂日月勒碑銘

璣旋環續引天機

歲月如馳比矢催

佳節歡招欣集聚

俯仰林泉增逸興

虞虢并亡車取鑑

老懷鬱積感悲離

力營園畝飽新糧

楚齊高論實非虛

被髮纓冠濟水火

翠羽丹青有異采

劍囊之中有俠氣

澄淵陟岫傍雲霄

金鱗壁水躍真機

酒杯以外等輕毛

寓目詩書誠雅好

殿陛盛時陳大道

銀漢夜深星動轉

曠懷魚鳥極閑情

園林何日寫孤懷

絳霄天遠月孤明

散慮絃歌聆妙手

廟廊深步懷伊旦

碣石鬱盤高逼日

張筵杯酒適歡腸

巖岫高歌慕綺園

洞庭綿邈遠橫雲

玉環美浴人如畫

晚翠園亭天曠遠

園莽渠荷被棠化

金帶吉占相召華

丹青樓觀氣莊嚴

巖條宮樹夾槐卿

傍日丹心似翔鳳

經常也史則多故

趙璧隨珠珍國寶

凌雲仙氣比遊鷗

人致歟天果何尤

杜詩義字乃傳人

伊廬集 言
意氣元龍高百尺

文辭司馬冠千秋

杜牧閒尋銀燭語

慶餘工上洞房詩

千尺翠巖橫月色

四山黃葉下秋聲

竹觀橫牀驅夏暑

桐庭落筆寫秋光

矯首抗懷存遠志

困心衡慮亦良師

李長吉詩思特別

張即之書法最精

宣傳作用殊無謂

踐履工夫賴有恆

歷世未深皆憤也

辨人不盡猶師乎

漢家城闕來天上

秦地山川入畫中

光武祀天終嗣漢

少康復業號中興

漢隸年傳五鳳號

稼書家有二魚堂

難上青天李白語

重遊赤壁子瞻文

負米心情殷子路

斬絲手段有高歡

李密陳情敦孝道

張飛勒石帶英姿

龍遊大海潛神化

魚躍清淵見道機

黃道周文行蓋世

史可法節義超羣

赤子勿滅平生性

素王永爲萬世師

文廟無康梁位次

武城聞絃歌聲音

正氣共推孔文學

見知孰及散宜生

古人學問能知本

名士神情自率真

直以詩書為性命

本來賢聖即神仙

康成庭榮書帶草

始皇岱鬱爵封松

畏友云亡誰指過

名賢如對敢忘規

文辭妙麗生珠玉

才具優長冠轂纓

鈞渭且無談宰治

晦明在不露精光

綿連楚雨困遊子

姿妙秦雲如美人

當戶樂觀雲氣好

臨池深愛月華明

當面雲形如異獸

賞心月色映金鱗

積薪夜宿驚國手

李勉途亡誅負心

巨刃摩天驚力滿

神弓懸壁勿聲張

雲氣成形如寫意

山川入畫可移情

百姓足孰與不足

千載傳始乃真傳

華盛頓共和賢主

大彼得專制英君

誰真有旋天本事

我欲號觀雲道人

草莽中非無國士

廟廊上亦多庸人

北闕凌霄真富麗

南山當戶轉分明

大德則天能覆物

萬人如海可藏身

八言

魚躍深淵鳥翔高處

華榮宮樹草發江亭

何事陶情經史子集

極天垂象日月星辰

羊角左伯交情極篤

陳餘張耳友道終虧

作聖作狂發端比矢

有因有果其妙如環

貽厥嘉謨德傳嗣續

閒雲朗月不寥寂

近水遠山都有情

雅操澄懷何心庸俗

高情遠韻極目林皋

大漠沙寒長城日遠

微雲河漢疏雨梧桐

高也明也悠也久也

藏焉修焉息焉遊焉

樓日射楹宮雲浮闕

朗星垂野好雨施田

妙瑟疏絃淑姿清唱

樹茲高績辭勒碑銘
壁滿圖書園榮鞠笋
樓中笙瑟殿外碑銘
野樹春榮宮槐秋落
朝羲朗曜夜月虛明
察見淵鱗何如研理
抗懷霄羽且幸朝天
竭我箴規愛人以德
賴君長養惟力是圖
禍福無門惟人自召
修短有命非理能詳
黃石傳書赤松學道

良辰美景賢主佳賓
焉哉乎也助成甚事
簡靜沉默別見天機
惟慎且恆終身無逸
曰忠與孝萬古不移
輦轂遵王琴牆見聖
林泉隱跡杯瑟陶情
紫塞赤城遊神華夏
文禽仁獸寓目亭園
尤物移人禍深女色
修途克己得誠老年
宰我善言子淵樂道

白傅遺妾絳老問年

古道君臣真情父子

遙天星日大地山河

虞夏皇猷稷臯相業

鍾王墨寶李杜詩辭

竹茂蘭馨棠甘菜淡

龍飛鳳舉魚躍鷗翔

子敬子猷兄弟濟美

玄德孟德漢賊殊途

玉陛金階容止謹飭

禮門義路出入逍遙

治接唐虞道宗孔孟

葉公問政師曠聆音

審顧切磨安詳勉力

造次顛沛謹慎弗虧

上德高深道藏密密

禪機玄妙想入非非

過用心思毀傷生命

力行善事感動上天

南威西施古稱佳麗

西京東洛世重封畀

丙舍臨書甲帳論武

出師拜表陪駕侍中

象感說巖鈞臨渭水

地流河海天曜星辰

東壁書城西園墨寶

外朝言治內殿談經

圖畫丹青形神如見

名高金石宇宙永存

宜僚善丸呂布精射

匡衡燭壁文學讓梨

火發崑岡何分玉石

水沈郡縣如對洪荒

乃所願則學孔子也

如用我其爲東周乎

出地千尋近天五尺

仙尋靈隱讀下書帷

韓信將兵多多益善

黃霸作相寂寂無聞

遵道遵路庶幾寡過

誠惶誠恐不知所云

金城湯池都連郡野

獄恆秦岱天近岫巖

文輦奏言道能容納

湯盤銘誠德貴維新

宅近謝山門垂陶樹

音傳阮嘯調奏嵇琴

子晉吹笙仙靈鼓瑟

凌雲初步指日高陞
昆弟皆賢機雲競美
夫婦相好嘉淑可稱
祿賊近環食其通呂
堅生兒策機有弟雲
的的俊才非非妙論
疏疏雅操落落高懷
有美一人在此無射
彼其之子非我思存
浴日驅雲驚天動地
改都建國引海疏河
刻薄輕浮難成遠大

傅生露布西子溪沙
飽歷世情誰真知足
忘懷羣從矜而不爭
學道人多聞道者寡
談天非貴知天其誰
東食西眠世情可咲
左宜右有文思旁通
士行寸分伯魚詩禮
周公恐懼王莽謙恭
惠遠談禪輞川好道
廉頗思趙黃蓋佐吳
邈邈天河沈沈人海

清真雅正嚴守箴規
離羣索居冥孤孰啓
抗古遙集獨立邈然
冠履主賓絃歌筵席
丹青廊舍金璧樓楹
對酒鳴絃別深興致
囊琴晦鑑不露聲光
靜氣蘭馨長身玉立
古姿松逸遠見鑑空
伯禹免魚孔明比羽
文宣感鳳老子猶龍

九言

閑閑逸士落落名流
祭祀若忘人何賴子
典墳永在道不長亡
朗月臨池高雲當戶
美英傍舍嘉樹成林
引領仁賢自居何等
傷懷叔世孰指正途
萬古名稱高雲莫極
三農願滿甘雨知時

洛邑冠裳爲成周盛世

昆明樓榭極宇宙大觀

十言

世有名人王良王通王績

家無福慶李廣李敢李陵

趙明誠李易安夫婦雅好

魏忠賢明王振奄侍寵招

抗古論人求志無庸自下

默推後事隨時可以處中

十一言

頓毀舊規李斯宜受趙高禍

自矜新法安石何如君實賢

盡人合天乃中庸真理

改過從善是學者實功

維靈常昭精氣可以不滅

有形終毀天地豈能永存

郡縣亭園徘徊不能去也

囊箱書籍玩索而有得焉

作人作文都貴清真雅正

宜左宜右相驚典實發皇

義逼霜嚴可法答多無弱筆

辭懸月朗賓王誅武有佳文

公理常存惟君子乃真落得
天機具足彼俗人豈知所云
紫塞被兵高帝君臣皆受困
黃天伐鼓韓家夫婦盡能軍
德立千秋莫忘天地生成意
歡騰萬戶要體聖賢施濟懷
翦髮文身秦伯能以天下讓
祀天續命光武竟令宇內歸
隱惻仁慈人果多情難即死
忠貞篤實天能垂鑑易成功

十二言

德業亦何常惟有志乃能建設

妙墨精工永禪師傳八百本
英辭雅潔周員外集千字文
何物動懷無端毀譽豈煩聽
及時爲善有盡光陰必得歸
要道得聞端底在百骸亦假
生機所賴豈可無一藝之長
求闕爲懷在晚清最稱特出
康成績學當後漢世號大師

任云結果積因有志豈天能定

身名宜自重微至誠豈免荒亡

設克履仁遵道始信惟命靡常

觀天地如戶庭老安少懷友信

與聖賢爲師弟神遊目想情移

十三言

任云天與羣歸當途賴有大人量

若使聽言從策叔世豈無王佐才

十七言

人言草木相同若行止不端豈非惡木辱草

世謂禽獸何異問仙靈出衆誰比仁獸珍禽

落落千言藉筆墨聚精神寫不盡情懷綿邈

悠悠百世辯賢愚明黜陟且閒將人物衡量

甲戌七月續成各聯

輓邢俊臣

虎頭事業國之干城褻鄂挺英姿憶當年匹馬縱橫沙場未遂封侯志
燕翼貽謀子誇圭璧江防標偉績慨此日啼烏悽冷椿蔭常存返哺心

韓子衡爲子成室

苕菜風情荷花時節

琴瑟偕老鐘鼓和聲

趙伯衡與馬清泉女士結昏

趙氏璧詩兩美必合

馬斯才語萬福攸同

李儀亭令孫欽民與王天華女士結昏

貽厥孫謀造端夫婦

繩其祖武宜爾室家

輓孟俊臣與其如夫人

天有不測風雲於安常處順中無端演成慘劇
世靡倖逃因果彼辣手忍心者可曾想到將來

輓董母高太夫人

蘊珊之母時官鳳城縣長

慈算踰八十春相夫有道課子義方孰克紹徽音草萎萱堂鸞闔冷
哲嗣屬萬千傑護鄉之功當官成績際今播盛譽樹榮棠色鳳城高

邵氏宗祠聯

先祖是皇本支百世

孝孫有慶壽考萬年

代輓鐵嶺嚴鎮芳母陳太夫人

歿於七夕

壽臻九十春秋牛女晤良宵銀燭冷光竟迓雲軒返天上
子乃萬千豪雋鳳麟稱社會鐵嶺碩望羣推風範重寰中

李母劉太孺人九十二歲 代劉傑民其外祖母也

弱小荷旃幪想日薄西山算踰九旬歸極樂

生平獲覆幬緬壽臻南極型高三黨頌徽音

輓施外交員原配關春仙夫人

爲藁砧置造室二篤樛木逮下仁風即此一端已難能而可貴

撫錦瑟踰華年三數雅絃清彈瑤柱綜其畢世誠坤道之完人

輓馬續波母陳太夫人

享算踰塵世古稀持家勤慎待物祥和厚德播徽音誼美恩明高壺範

有子比王家珠樹材具英騰聲華朗耀慈闈貽教澤鐵錚庸佼佼重前程

又 代孫秀三

數萬株繚繞森林 家有森林數萬株 相夫有道享算古稀拜母未登堂和氣融融憶繡座

有三子崢嶸珠樹馳譽官場增光闕閱溯源根世澤英才濟濟簇名門

又代王子衡

綏中乃關外巖疆慈惠嗣徽音算踰古稀故大德必臻大壽
國內重家庭肖子岐嶷競貞幹名標仕宦惟賢母始育賢郎

又代益發銀行

自吉垣甫返故鄉慈闈晚景杖履優游極樂詠歸真萬朶青蓮迎佛國
溯生世能留壺範嘉木崢嶸煙雲盎蔚森林留美植遙天綠蔭擁芳蔭

開原公學校廿年紀念

成德達材前程遠大

生聚教訓念載光陰

備廬聯語戊集終